

XXXIV

AR MEVIER
(L'ivrogne)

N'ha chilaouet holl dud iaouang, hag è klevfet eur zon drist
 Maro è gourien (1) ar butun, diskaret danvé ar jistr,
 Maro è gourien ar butun, diskaret danvé ar jistr,
 Ar mevier pa glev kemend mañ he galonig a ia trist.

Pa'n antreo 'n hostaliri, e c'houlo eur chopinat
 An hostizez a vo prestig hag a responto evat
 Petra ret gand eur chopinat, komeret eur voutaillat
 Hag et du zé 'r gamb de gosté me o servijo evât.

Pé oa et er gamb de gosté ouz an dol è ajéet
 Hag hen goul euz an hostizez ha ne oa ked a basket
 N'euz ket a basket, ma mignon, ma kéret ho po uo
 Ma n'ho pe ket wac'h anhé c'houi 'n nevo chosizenno (2).

Ha pa oa leun kov ar mevier, ha pa n'helle ken lonkañ
 Hag hen gervel an hostizez evit donet de gontañ
 Eved oc'h euz tri fodad gwin, debet eun doussen uo
 Ha pemp kwennegad a vara, eun doussen chosizenno.

Triwac'h real oa priz ar gwin, daouseg gwenneg an uo
 Ha pewar gwenneg war'n ugent oa priz ar chosizenno
 Ha pewar gwenneg war'n ugent oa priz ar chosizenno
 Ne oun ket penoz er bed mañ 'hell padout hi vouello.

Pa voé ta hi zorn n'hi c'hodel n'en dewa met c'houec'h gwenne
 Oa priz eur voutaillad gwejall, mez bremañ é keraet
 N'hostizez pa wel kement zé war nezhan é zaill arok
 Lemmomp dehan c'hoaz hi jupen n'hon euz ket awac'h hi dok.

Chetu diwisket hon mevier ha tolet war ar pavé
 Hag an noz a oa teval, glav hag awel a ré ivé
 Pa oé tolet war ar pavé hag hen commanz de ouélañ
 Rouined am euz ma fried, mé ma unan de gentañ.

Air n° 35.

Allegretto presto

Na che-laou - et oll dud iaou-ang hag e kle-fet eur zon
 drist, ma-ro - e gou-rieu ar bu-tun, diska-ret dan-ve ar
 jistr, ma-ro e gou-rien ar bu-tun dis-ka-ret dan-ve ar
 jistr, ar me-vier pa-lev ke-mend ze hi ga-lon-ig a ia trist.

(1) gourien, en Léon : grizien, C. : grien ; mot à mot « racine ».

(2) en Léon : silsíc.